

Den Barthelmeamarkt geits scho iwer 580 Joahr!

Gedanken von Luise Wirsching aus Spielbach (August 2014)

**Obwolls den Markt scho sou lang geit,
geits jedes Joahr wieder en haufe Leit!
Und zieacht die ganze Masse ou,
wall, -woß noch laafe kou, - geiht nou!
Walls jeds Joahr wieder woß Neis ausdenke,
und ihr Planung doe druff lenke,
woß brauches, - und woß gefellt de Leit?
Drum geit setz scho zum 15. Joahr,
seldi Bulldog, - mit aldi Motor,
des zieacht die Leit immer mehr ou,
und immer mehr hewe ihr Fraad doa drou!
Drum sann a 400 Bulldogs kumme,
und hewe in Beimbach Eizuch gnumme!
Manch seldi, wervolli Rarität,
in Beimbach uff der Wiese steahrt!
Und d Leit kumme a ganz haufeweis,
von neadere und von weitere Umkreis,
und schauae doea die Prachtsticker ou,
wu mer nitt jeden Dooch seche kou!
Und kaafe kou mer a noch Allerhand,
ou so manchen Bauerestand.
Und Autos kou mer a vergleiche,
mit verschiedene Firmezeiche!
Und Veichel geits noch, wu groeaß flieche,
die normal in höare Lüfte zieache,
und Schnaps und Käs und Berschde und Tee
geits zum Kaafe uffn Markt vo Bardelmä!
Und schönst iss noch ver Alli Leit,
dass mer die Leit trifft vo weit und breit,
und dann veschbert mer oder trinkt
kaffee zu speadere Stund,
sou geahs uff den Bardelmeamarkt rund,
wies bis deher so immer wor,
mit Fraad, mit Musich, - mit Unterhaltung
scho iwver 580 Joahr!**